

Headline	Panda China dibawa masuk Mei 2014		
MediaTitle	Kosmo		
Date	17 Jan 2013	Color	Full Color
Section	Negara	Circulation	115,967
Page No	4	Readership	406,000
Language	Malay	ArticleSize	292 cm ²
Journalist	LUQMAN RIDHWAN MOHD. NOR	AdValue	RM 2,539
Frequency	Daily	PR Value	RM 7,616



Panda China dibawa masuk Mei 2014

Oleh LUQMAN RIDHWAN MOHD. NOR

KUALA LUMPUR - Beruang panda gergasi, Fengyi dan Fuwa yang menjadi lambang persahabatan antara Malaysia dan China akan dibawa masuk ke negara ini pada Mei tahun hadapan.

Menteri Sumber Asli dan Alam Sekitar, Datuk Seri Douglas Uggah berkata, untuk tujuan itu, pembangunan eksibit khas bagi menempatkan panda berkenaan akan dimulakan pada Jun ini di Zoo Negara dan dijangka siap sepenuhnya April tahun hadapan.

"Zoo Negara dipilih sebagai lokasi penempatan

kedua-dua beruang berkenaan kerana ia merupakan tempat paling sesuai berbanding Taman Wetland, Putrajaya.

"Eksibit yang berkeluasan 0.6 hektar ini akan dilengkapi suhu kurang 24 darjah Celcius dan mempunyai kemudahan yang sama seperti habitat asal panda," katanya selepas mengadakan lawatan ke Zoo Negara di sini semalam.

Douglas berkata, kos projek eksibit itu bernilai RM25 juta di mana RM15 juta ditanggung oleh IMA-

laysia Development Berhad manakala bakinya oleh kerajaan Persekutuan.

Kosmo! sebelum ini melaporkan kerajaan Malaysia dan China bersetuju memilih tahun 2014 sebagai simbolik ulang tahun ke-40 hubungan diplomatik antara kedua-dua negara.

Melalui perjanjian berkenaan, Malaysia menjadi antara 22 negara yang diberi penghormatan untuk menerima panda dari negara tembok besar itu sebagai simbol keakraban hubungan dua negara.

Sementara itu, Douglas berkata, penjagaan ke-

dua-dua panda berkenaan seperti makanan dan perubatan akan menjadi tanggungjawab Zoo Negara termasuk buluh yang menjadi makanan utama haiwan berkenaan.

Katanya, Institut Penyelidikan Perhutanan Malaysia sudah mengenal pasti

enam spesies buluh tempatan yang sesuai ditanam sebagai sumber makanan kedua-dua panda berkenaan di kawasan seluas 16 hektar berhampiran zoo.

"Ini memandangkan haiwan berkenaan memerlukan 25 kilogram buluh sehari," ujar beliau.



DOUGLAS (dua dari kanan) meninjau tapak pembinaan eksibit bagi pasangan panda dari China di Zoo Negara, Kuala Lumpur semalam.



BERUANG panda Fengyi (kanan) dan Fuwa sedang bermain di Pusat Pemuliharaan Panda Gergasi Wolong di Wilayah Sichuan, China sebelum dibawa masuk ke Malaysia pada Mei 2014.